

籌辦夷務始末

籌辦夷務始末卷之十一

道光二十年庚子六月辛酉閩浙總督鄧廷楨福建巡撫  
吳文鎔奏竊維夷船來至閩洋圖銷鴉片奸民勾通販運  
如蟻附羶事非一年害幾徧地仰蒙

宸衷獨斷刻意消除臣吳文鎔自上年受任閩疆會同各前督臣  
嚴加督飭去冬今春始經調任水師提督陳化成金門鎮  
總兵寶振彪統率師船開礮攻擊本年二月間臣鄧廷楨  
自粵移閩道經漳泉等屬接見水陸提鎮道府告以夷人  
之無能為而我師之大可用又沿途訪察奸匪得有主名  
到省後面商臣吳文鎔酌定章程派委興泉永道劉耀椿

汀漳龍道李昭美分投督辦。並咨行水陸提鎮分別外洋  
內港各專責成。適

欽差尚書祁寓藻侍郎黃爵滋奉

命來閩。查辦海口事件。開陳利病。宣布

德威。在事文武各員咸曉然於

聖主意旨所向。如除蔓草。不盡不休。或密設巡防。或明陳師旅。羣

情震竦。漸覺奮興。先於三月間。經前署水師提督程恩高

在梅林洋面。攻擊夷船。致斃夷人。由臣鄧廷楨奏奉

恩旨。特予甄敘在案。茲於五月初一日。據興泉永道劉耀椿稟稱

該道因金山銅山交界地方。為夷船來泉要路。於此設伏。

該夷必不限防。隨密飭廈門同知顧教忠捐廉募水勇三百八十名。分配民船十二隻。委令水師提標左營守備楊靖江督帶出洋緝捕。於四月二十一日。駛至穿山洋面。遇有夷船一隻。在彼寄碇。該備出其不意。揮令外委李茂松督飭水勇各船一齊駛近。兵丁拋擲火罐。打入夷船。水勇等亦擲火開槍。連環並擊。夷人受傷無算。落水死者三人。倉猝之間。夷船不及開礮。惟亂擲鐵彈打來。復經該備飭令水勇將夷船後梢用鈎搭住。水勇頭目陳育手執藤牌。首先躍上夷船。隨而登者二十餘人。搶得銅礮一門。礮蓋一箇。夷人執標亂刺。我軍開槍回擊。又中八人。落水而死。

適南風大作。夷人斫斷船纜。乘風駛逃。兵勇恐其去遠。亦即跳入海中。覓水回船。在海面鈎起夷帽一頂。鐵標四枝。並於本船上拾得大小鐵彈四十五箇。維時署銅山營參將陳顯壽率師趕至。會合窮追。夷船且拒且逃。駛入深水大洋。我軍始行收回。查點水勇傷斃八人。業經按名卹賞等情。並據將夷帽鐵標銅礮彈子解送前來。經臣等親驗屬實。又於五月初四日。據署銅山營參將陳顯生稟稱。四月二十日。駕帶兵船在洋督捕。見有夷船一隻。竄至虎嶼洋面。開放杉板小船。內坐夷人數名。似欲上岸。該將隨令各船弁兵迎頭施放槍礮。將杉板擊沈。夷人全行落水。惟

有黑夷二名。泗水近岸。經古雷汛。額外外委郭德長督兵  
拏獲。捺出小刀一把。該將仍復督率舟師追擊夷船。直至  
東南外洋。始行收回等情。並據漳浦縣稟報相同。經臣等  
飭同委員迎提來省。臣鄧廷楨帶有廣東通事督飭譯訊。  
據供一名爽果。一名暗麻納。又據同供係阿叻西國人。受  
雇在啖夷啦吐咀哈咖哇哈船上充當水手。船上黑白夷  
人四十餘名。船內裝有鴉片。不知箱數。本年四月初間。由  
廣東開船來至福建一路。見有小船駛近夷船。即被師船  
開礮攻打。因此船上鴉片無人來買。後來駛到崇武洋面。  
遇有師船二十餘隻。開礮攻打。夷船不敢亂泊。就駛回不

知名洋面寄碇。小夷乘坐杉板。欲行上岸洗衣。即被竿獲等語。又於五月初三日。接據陸路提臣余步雲來函。並興泉永道劉耀椿稟稱。委員署福州協都司周光碧。雇募水勇二百餘名。配駕民船出洋誘捕。於四月二十六夜。在圍頭洋面。截獲通夷匪船一隻。人犯十一名。起獲煙土二千餘兩。現在發縣訊供。已究出施郭施掌二名。係屬通夷匪犯等情。查以上三事。均在旬日之間。似水陸文武各員。皆有軒輊鼓舞之意。自當乘此機緘。益加奮迅。臣等惟有申明賞罰。策勵羣材。同心合力。外攘內偵。以冀稍副

皇上拔本塞源。除惡保民之至意。

硃批所辦認真可嘉。

諭內閣。鄧廷楨等奏。哨船攻擊番船。生擒黑夷。拏獲漢奸一摺。夷匪來至閩洋。圖銷鴉片。奸民勾通販運。隨地蔓延。經鄧廷楨等督飭員弁。分路攻擊。夷人受傷落水無算。生擒黑夷二名。並截獲通夷匪船。人煙並獲。所辦認真可嘉。所有在事文武員弁。著鄧廷楨等擇其尤為出力者。酌保數員。候朕施恩。毋許冒濫。

丁丑。兩廣總督林則徐廣東巡撫怡良。奏臣等前次附片具奏。喚夷逗留外洋。常懼火船焚燒。並傳聞該國有大號兵船將至。加意嚴防。各緣由。欽奉

硃批。無論虛實。總當不事張皇。嚴密防範。以逸待勞。主客之勢自



判彼何能為也。勉之。欽此。仰見

皇上運籌決勝。洞燭夷情。臣等跪誦服膺。莫名欽感。伏查暎夷近  
日來船。所配兵械較多。實仍載運鴉片。探係該國噉啊啦  
等處夷埠。聞知內地辦煙嚴緊。銷路日稀。而夷埠新舊煙  
土。存積纍纍。不肯輕棄。是以減跌價值。用三桅大船滿載  
而來。而奸夷遂藉以揚言恫喝。冀可准其貿易之求。迨見  
臣等拒之益堅。不為所動。其到粵之吐啞嘩倫。啍噲噎兵  
船三隻。並現在續到之咯吧吐兵船一隻。亦祇在外洋往  
來游奕。此東彼西。總無定處。日則暗放三板。分運煙土。引  
誘奸民。零星賤賣。夜則拋錨寄碇。並招集辦艇環護。支更

瞭望以防我兵火攻此外別無動靜誠如

聖諭實無能為惟思峻拒喫夷原為斷絕鴉片乃奸夷仍私在外  
洋售賣即奸民必販至內地行銷積弊何日能清且該夷  
詭計百出竟不憚虧本以誘愚民查近日公班土一箇  
僅賣洋銀五六圓較之前年秋冬價減十分之七並訊據  
先後獲到煙犯供稱有鴉鴨一隻換得公班土一箇者並  
有買過一二次即可向夷人賒煙者在彼總欲愚弄漢奸  
阻撓禁令實屬可惡之極臣等於前次燒燬接濟匪船二  
十三隻之後仍嚴飭水陸文武力拏通夷匪犯並設法懲  
創奸夷先於四月間接據新安縣知縣梁星源稟報會同

營弁在小濠海邊。續燒辦艇四隻。蓬寮五間。又獲夷船上廚工梁亞次等六名。除與所獲潛買煙土各犯併案審辦外。一面函商水師提臣關天培。以夷船最畏焚燒。仍惟以所畏者設法制之。隨經關天培委令副將李賢都司馬辰守備黃琮。盧大鉞。林大光。選帶能事把總潘永蓐。楊雄超。廖鎮邦。記委盧麟等分帶兵勇四百餘名。暗伏島澳。並多雇素諳夷語線民。假裝濟夷辦艇。作為內應。仍於各隘口分派弁兵防堵。五月初九日。乘夜半月明時候。將大隊火船移近磨刀外洋。夷船聚泊處所。占住上風。出其不意。火船聞進焚燒。各線民亦於假裝辦艇內。同時縱火。有吧嘰

夷船上身穿白衣喚夷持械跳出。經記委盧麟揮令水勇方亞早等奮力殺斃四人。其餘夷衆連船全行燒燬。各將備督率把總潘永義楊雄超等乘夷船亂奔之際將火箭火罐噴筒等物紛紛拋擲。又將載有煙箱之夷船燒燬一隻。另有夷船一隻桅帆著火棄碇駕逃。經夷衆將火撲救。先後延燒大小舢舨十一隻。又燒燬近岸蓬寮九座。其衝突竄逃各夷船彼此撞碰叫喊不絕。夷人帶傷跳水燒斃溺斃及被煙毒迷斃者不計其數。我兵並無被害。惟於殺斃吧哩船上夷人時有水勇二名被夷劍斫傷手膀尚不甚重。該將備等於火發後分投截擊逸艇。適有呂船一隻。

慌忙奔竄。當將人船並獲。其船內有煙盒煙槍。及各種煙具。一併起出。又有棄艇逃赴蓬寮。及由蓬寮復逃之犯。亦俱拏獲。計先後獲犯姜亞連等十三名。現在行提嚴審辦理。此次啖夷猝遭焚勦。傷斃已多。而啣嚙啞船上。帶兵之夷官。嚙啞啞。亦在該船病斃。並查悉夷兵吸水受毒。患病者甚衆。似此頻經受創。當亦共知。

天朝重地。非么膺異類。所可玩法偷生。如再抗不回帆。抑別滋奸計。臣等仍惟恪遵。

批諭。不事張皇。明則以逸待勞。倍森嚴而鎮靜。暗則相機而動。期震聳其貪頑。一切機謀。密之又密。以仰副。

聖主訓誨諄諄之至意。至暎夷未銷貨物。恐其私行寄頓影射進  
口。節經臣等會同粵海關監督臣豫堃。逐一嚴查。即他國  
貨船中稍有形跡可疑者。如味喇啞國之必吐噤一船。呂  
宋國之叻順一船。因查閱該國船牌貨單。譯出漢文。與現  
船貨物未盡符合。立即逐出。不准進口。嗣後尤當時加釐  
剔。務使各國夷人咸知法度嚴明。不敢希圖朦混。以肅海  
禁而絕詭謀。  
殊批所辨可嘉之至。

庚辰。浙江巡撫烏爾恭額奏竊。臣於本年六月初七日酉  
刻。據甯波府鄞縣知縣舒恭受以六月初四日辰刻訪有

夷船多隻。在象山洋面游奕。申刻又聞有大夷船兩隻。小夷船兩隻。從深水洋駛入定海縣洋面。經提臣祝廷彪。帶領將弁。出洋堵禦。並經甯紹台道李紹昉。會同水師。馳赴鎮海口防堵等情。臣以事關重大。必須親往督辦。當於初八日。由省起程。乘夜渡江。於蕭山境內舟次。即接提臣祝廷彪函稱。定海洋面。有大小夷船二十餘隻游奕。臣不勝焦急。星夜趕行。至初九日未刻。在會稽境內舟次。接准定海鎮臣張朝發來咨。在洋見有大小夾板夷船二十六隻。隨即整頓礮械堵逐。無如夷船行駛如飛。至旗頭洋面。分作兩幫。一幫竄入定港。一幫向西駛去。鎮臣張朝發。即駛

回定港防堵。一面飭令署中軍游擊羅建功。會同署定海  
縣姚懷祥。帶領兵役。在於城廂內外。及口岸礮臺。整列隊  
伍。嚴密防範。並函達夷人所遞夷書一紙到臣。又接提臣  
祝廷彪。先後咨函。閏初七日午刻。鎮臣張朝發。在船與該  
夷接戰。未能取勝。夷人俱已上岸。約有三四千人。圍攻城  
池。鎮臣已進城保守。提臣祝廷彪。以該夷勢甚猖獗。必須  
大兵。方資攻剿。先調署鎮海營參將胡得耀。提標右營游  
擊周士法。帶領水師兵三百名。前赴定海。隨同鎮臣防護。  
尚有提標兵五百名。預備撥往。現又飛調內地之湖州。金  
華。協兵各四百名。嚴州。協兵三百名。紹興。協及處州。衢州。



鎮標兵各八百名。速赴鎮海。以資調撥。再聞夷船最畏火攻。有新任黃巖鎮標中軍游擊林亮光。熟悉火攻之法。現留鎮海聽候差遣。並飭鄞縣鎮海縣。各備火攻船四十隻。候用等因。臣聞看夷書。詞甚狂悖。鎮臣張朝發。何以遽准遞收。夷船在洋游奕。既經帶兵防堵。何以任其登岸。均應嚴查奏辦。惟定海縣孤懸海外。被圍甚急。亟須添撥水師馳往援救。方可無虞。而另幫西駛之夷船。難保其不窺伺甯波鎮海。所關甚鉅。尤須加兵嚴防。臣已飛咨提臣祝廷彪。妥為調度。刻速籌辦。至該夷匪多集醜類。猝至定海。其包藏禍心。殊堪髮指。必當痛加勦辦。以張

國威現在定海情形。日日不同。臣心急如焚。雖會稽離鎮海尚有三百數十里。連夜前往。不過兩日。亦可到彼。與提臣祝廷彪見面。當將應救應守應勦各機宜。按照情形。安速再籌定議。隨時奏報。以期仰慰

宸廑。

硃批。浙江水陸營伍之廢弛。不問可知。區區小醜。膽敢如此披猖。彼文武大吏。即張皇失措。平日豈僅知養尊處優耶。

諭內閣。烏爾恭額奏。喫夷船隻。駛入浙江定海縣。登岸滋事情形。一摺。前因查禁鴉片煙。廣東省已斷絕該夷貿易。疊經降旨。令沿海各督撫。嚴加防範。何竟毫無準備。形同木偶。致令登岸滋

事。烏爾恭額。祝廷彪。均著先行交部嚴加議處。

諭軍機大臣等。噶夷因查辦煙土。絕其謀利之念。朕早料其必有竄入海口之舉。屢經訓誡。有海口各省督撫提鎮。嚴密防範。不許該夷駛入。本日據烏爾恭額奏。噶夷致書定海鎮總兵。肆其狂悖。並知夷人俱已上岸。圍攻城池。覽奏之餘。實深痛恨。此等醜類。不過小試其技。阻撓禁令。仍欲藉勢售私。他何能為。該巡撫提督。果能認真防堵。水陸交嚴。何至縱令登岸。有三四千人之多。似此偶遇事端。文武大吏。即張皇失措。浙江營伍廢弛。不問可知。已另有諭旨。將烏爾恭額。祝廷彪。交部嚴加議處。至定海縣孤懸海外。被圍甚急。該撫自應添撥水師。馳往援救。而西

駛夷船難保不窺伺甯波鎮海等處要口。妄希占據。著即派委將弁分路嚴防。無許夷匪竄入。本日已降旨由四百里飭令余步雲酌帶弁兵前往勦辦。計日可到。該撫等務當悉心籌畫。稍贖前愆。儻再有疏虞。必當從重治罪。

又

諭前因查禁鴉片煙。早經降旨令沿海各督撫嚴加防範。本日據烏爾恭額奏。噶咭喇夷匪在浙江定海縣滋事。已有旨由四百里諭令余步雲酌帶弁兵。星夜馳往勦辦。著鄧廷楨嚴飭各海口加意防範。毋得疏懈。

又

諭本日據烏爾恭額由驛馳奏。喚咭喇夷船駛至浙江定海縣洋面。登岸滋事。著余步雲卽酌帶弁兵。星夜馳赴該處。勦辦夷匪。

壬午。

諭軍機大臣等。昨據烏爾恭額奏。喚夷致書定海鎮總兵。肆其狂悖。並登岸滋事一摺。喚夷售煙圖利。經廣東省奏明。斷其貿易。早料其分竄各路。肆行擾害。是以疊降諭旨。飭令有海口各省督撫。嚴密防維。有備無患。乃該夷於本月初間。帶領船隻。在浙江象山洋面游奕。復有大小夷船。從深水洋駛入定海縣洋面。致書總兵。語言狂悖。若使該省巡撫提督。先事豫防。該夷等亦不過稍逞小技。惘疑虛喝。迨至計窮勢蹙。自必返棹入洋。無所

希冀。乃烏爾恭額等。事前既無準備。臨事復覺張皇。以致該夷船駛至定海縣。縱令三四千人登岸滋擾。似此武備廢弛。深堪痛恨。已將該撫等。先行嚴議。並調福建提督余步雲馳往會剿。惟現在該處情形。不能遽度。該夷等或已擊退。或仍與官兵抗拒。俱未可定。現據烏爾恭額奏稱。尚有船隻四駛。恐該夷等另有勾結。分竄他省情事。再用申諭該將軍督撫。分飭將弁認真操練巡察。加意防堵。總當先事豫籌。毋致臨事掣肘。儻稍有疏懈。致令該夷等竄入內洋。蹂躪擾害。朕惟該將軍督撫是問。恐不能當此重咎也。懍之。

癸未。江南道監察御史臣陸應穀奏。竊臣恭查乾隆元年

上諭朕聞外洋紅毛夾板船到廣時。泊於黃埔地方。起其所帶礮位。然後交易。俟交易事竣。再行給還。乃近來夷人所帶之礮。聽其安放船中。朕思從前洋船到廣。既有起礮之例。此時仍當遵行。何得改易等因。欽此。仰見

聖慮深遠。萬世所當守之。而無失者也。乃日久玩生。竟未能認真辦理。即如上年夷船至廣。今年夷船至閩。俱有開礮抗拒情形。向使遵照舊章。按數呈繳礮位。則奸商必無所挾以滋事。現當查辦夷務之時。其不準通商者。無庸再議。而來廣貿易各國。尚未一例禁絕。在

皇上開誠布公。自不必別有疑慮。在遠人嚮風慕義。亦斷不敢有

心滋擾。然夷性奸猾。難保通商諸國。無啖夷勾串假冒情弊。如不嚴加防範。萬一別生事端。則既無以消奸宄之謀。而實足以開覬覦之漸。臣愚以為宜遵照成例。請

旨飭下兩廣及浙閩督臣。先行出示曉諭。申明舊章。所有通商各國。令其呈繳礮位。方許貿易。俟貿易既畢。再行給還。彼夷人果專心售貨。自不難於呈繳。如其不肯呈繳。即屬有心抗違。更應斷絕交易。以防患於未然。此於招徠之中。隱寓控制之法。庶夷人畏威懷德。於洋務不無裨益。

甲申。浙江巡撫烏爾恭額。浙江提督祝廷彪。奏竊。臣烏爾恭額。前因啖夷致書定海總兵。肆其狂悖。先將途次籌辦



情形於六月初十日由驛具奏。一面星夜趨行。於十一日酉刻抵鎮海。與臣祝廷彪會面。驚悉先於初七日。定海鎮臣張朝發與倭逆接戰。被倭逆斃傷官兵甚多。船亦擊沈。初八日定海縣城已被倭逆攻破。署定海縣知縣姚懷祥典史全福。不屈投水。被害身死。惟鎮臣張朝發護定標左營游擊錢炳燦受傷。及署定標中營游擊羅建功。護定標右營游擊王萬年。署定標中營守備龔配道。俱回鎮海。又有沈畧巡檢徐桂馥。先經姚懷祥札令回郡請救。其餘文武官兵。尚無下落。臣烏爾恭額聞信之下。不勝髮指。伏查定海鎮海相距僅止百有餘里。一帆可到。鎮海口直通內

地。其要隘全在笠山外障。與招寶山及金雞山對峙。作為  
鈴口。先經臣祝廷彪分布提標五營兵八百餘名。並調回  
署鎮海營參將胡得耀。提標右營游擊周士法。派配鎮海  
兵九百餘名。在於要口縣城及沿海一帶駐紮防守。臣烏  
爾恭額又調撫標兵四百名。飛速來鎮。聽候撥用。並面諭  
甯波府知府鄧廷彩。買辦船隻。沈於通內要口。再用木排  
以鐵鍊繫住。上豎木城。以為保護。使夷船阻塞。不能駛入。  
正在籌備。詎於十三日寅刻。據報瞭見夷船多隻。在於笠  
山以外。往來游奕。相距鎮海。不過十有餘里。臣等現在親  
駐要口調度。並嚴兵緊守。以防不虞。惟聞喚逆夷船。又來

五隻連前共有三十一隻。四面裝礮。大者三層。次者二層。小者一層。內有兩隻。船旁裝有輪盤。旋駛如風。往來甚速。以為前導。其兵約有五六千人。若與之戰。必須兵數相敵。方可接仗。臣祝廷彪前調之湖州等協兵三千五百名。止到紹興協兵三百名。此外及臣烏爾恭額所調撫標各兵。到鎮尚需時日。合計在鎮各兵。止有二千餘名。與夷兵多寡懸殊。此時利於固守。不宜速戰。先當定計以老其師。使之進退維谷。一俟大兵雲集。再行合謀攻擊。以期一鼓成擒。辰下濱海大小各岸口。均須設兵防堵。温州黃巖兩鎮水師。亦應各守各汛。以防竄入。即抽撥來鎮。亦不能多。現

在鎮海兵力未免單薄。相應請

旨飭下閩浙總督臣鄧廷楨。選派閩省大員。帶領舟師。星馳來浙。無論夷船在於何處。即行會同浙江水師。合兵會剿。並請旨飭下兩江總督臣伊里布。亦飭水師。在於江浙交界洋面堵禦。以防夷船北逸。並為浙洋應援。

烏爾恭額又奏。再此次喫逆突擁大衆入寇。官軍猝遇交鋒。以致定海失守。臣祝廷彪於初八日申刻。始接鎮臣張朝發來咨。該鎮係於初七日。自卯至午。在船與喫夷互相轟擊。被傷左腿甚重。落水扶板登岸。不得已帶傷入城。而臣等提訊羅建功等。據稱該游擊等。自喫船二十六隻。又

港以後會同文武商酌。夷逆仗其礮火。止利於水。不利於陸。擬將水陸各兵。一半撤至離城一里之半路亭。扼要堵禦。一半撤至城中防守。衆謀皆同。隨向該鎮剴切稟明。即該縣姚懷祥及各紳士等。亦皆求請該鎮進城。督率保護。乃該鎮傳調防城各官。總要在於港面攻擊。致被夷逆轟斃官兵無數。迨至該鎮進城後。該游擊等勢難抵敵。尚冀招集殘兵。進城保護。嗣至城壕。姚懷祥已將四門緊閉。不能緣城而上。夷逆徹夜攻城。將東門攻破。紛紛而入。該官兵既失其所恃。該游擊等法無可施。冒死到鎮等語。臣等親往看驗。該鎮張朝發。及提驗該護游擊錢炳燦受傷屬

實。伏查官軍猝遇寇賊。彼衆我寡。必當出奇制勝。謀定而動。今夷逆乘定海。羅建功等擬請分兵。或戰或守。東謀僉同。收合尚有一千餘兵。可以堅守。何至猝然城陷。乃該鎮張朝發。愼諫撤守。以致喪師喪城。其罪實屬重大。該游擊羅建功等。於敗後遽即回鎮。亦屬罪有應得。相應請旨。將定海鎮總兵張朝發。署中營游擊羅建功。護左營游擊錢炳煥。護右營游擊王萬年。署中營守備翼配道。一併革職。交部分別定罪。臣祝廷彪。於倉猝之際。未及救援。臣烏爾恭額。得報較遲。籌辦不及。均屬咎無可辭。應請旨。交部嚴加議處。其定海鎮印務。先由臣祝廷彪兼署。右營游擊

印信已經錢炳煥失水。同中營游擊等官篆務。由臣祝廷彪先行委員代辦。署鎮海營參將胡得耀未能得力。臣祝廷彪即行撤回。飭委在鎮差遣之新任黃巖鎮中軍游擊林亮光署理。臣烏爾恭額查得鎮海縣知縣黃雄同辦事未能周到。亦即撤任。委員先行代理。一面札司飛調精能之金華縣知縣葉摯赴鎮接署。仍飭胡得耀黃雄同聽候差遣。不得擅離。沈恩巡檢徐桂馥請救已遲。亦請斥革示懲。署定海縣知縣姚懷祥。同該典史全福一併死節。均屬可嘉。容臣烏爾恭額查其家屬下落。另行照例請卹。其現無著落之定海文武官兵。如有投回。亦即查究分別辦理。

諭內閣。本日據烏爾恭額等由驛馳奏。定海縣城失守。現籌堵禦一摺。此次喫夷船隻。擁衆滋事。官兵猝遇。寇賊自應出奇制勝。謀定後動。迺該總兵張朝發。懷疎撤守。以致喪師失城。情罪重大。游擊羅建功等。於敗後遽即回鎮。亦屬罪有應得。定海鎮總兵張朝發。署中營游擊羅建功。護左營游擊錢炳煥。護右營游擊王萬年。署中營守備龔配。遵均著革職。拏問。交部分別定罪。烏爾恭額。祝廷彪。籌備不力。前降旨交部嚴議。茲據該部奏請革職。尚不足以蔽辜。惟現當防堵之時。若竟予罷斥治罪。轉得置身事外。烏爾恭額。祝廷彪。著先行革職。暫留本任。戴罪圖功。以觀後效。署鎮海營參將胡得耀。鎮海縣知縣黃維同。均著撤



回仍留該處聽候差遣。沈畧巡檢徐桂韻請救已遲。著即斥革。署定海縣知縣姚懷祥典史全福不屈投水被害身死。實屬可憫。著該部加等議卹。餘均著照所議辦理。該部知道。

諭軍機大臣等。本日據烏爾恭額等由驛馳奏定海縣城被倭夷攻破。該撫等現駐鎮海縣防堵。瞭見夷船多隻。在笠山以外往來游奕。距鎮海不過十有餘里。現在鎮海官兵止有二千餘名。應俟大兵雲集。合謀攻擊等語。著卽延楨選派閩省大員帶領舟師。星飛赴浙。無論夷船在於何處。卽會同浙江水師合兵會剿。以期一鼓成擒。

又

諭本日據烏爾恭額等由驛馳奏。定海縣城被倭夷攻破。該撫等現駐鎮海縣防堵。據見夷船多隻。在笠山以外往來游奕。鎮海官兵止有二千餘名。應俟兵集攻擊等語。著伊里布遵派帶兵大員。揀選水師數千。豫備調遣。江浙相距較近。浙省僅有警報。該督一面奏聞。一面派兵迅速馳往應援。毋稍延誤。至江浙交界洋面。尤須督飭水師認真防堵。毋令竄入。

丙戌。

諭內閣。此次倭咭喇逆夷滋事。攻陷定海。現經調兵合剿。不難即時撲滅。因思該夷先經投遞揭帖。恣其狂悖。逆夷文字。不通中國。必有漢奸為之代撰。且夷船多隻。闖入內洋。若無漢奸接引。

逆夷豈識路途。以食毛踐土之民。敢於自外生成。為夷匪主謀。嚮導實屬罪不容誅。至沿海弁兵。疏於防範。已非尋常失察可比。若竟勾通接引。尤堪痛恨。著盛京直隸山東江蘇廣東福建各將軍督撫提鎮等。分飭各屬。嚴密查拏。如有內地奸民。潛蹤出入。一經獲案。嚴究有無通夷導逆情事。從重懲辦。其疏防縱奸弁兵。亦著一體嚴拏。加等治罪。務令奸宄淨盡。毋任一名漏網。經此次諄諭之後。如各省海口。仍有漢奸出入。別經獲案。不特該管員弁。從嚴究治。定將該將軍督撫提鎮等。一併嚴懲。決不寬貸。懔之慎之。

七月壬辰。兩廣總督林則徐奏。喚咭喇夷船逗留外洋。臣

等臺飭各將弁帶領兵勇火船設法焚剿。於五月初九日。乘夜縱火。燒燬夷船三隻。業經會摺奏。

聞在案。查該夷目自貿易斷後。每揚言兵船多隻。即日到粵。臣等不為所動。而仍密為之防。除上年所到之吐嚙嚙哈兩船。與近時續到之哪嚕嚕吧吐兩船。在外洋游奕情形。先已查明具奏外。茲據澳門文武稟據引水探報。五月二十二日。望見九洲外洋。來有兵船二隻。一係大船。有礮三層。約七八十門。其一較小。有礮一層。二十三日。陸續又來兵船七隻。均不甚大。礮位亦祇一層。又先後來有車輪船三隻。以火焰激動機軸。駕駛較捷。此項夷船。前曾到過粵洋。

專為巡風送信。茲與各兵船或泊九洲。或赴磨刀。或赴三角外洋。東停西竄。皆未敢駛近口門。臣等查中路要口。以虎門為最。次即澳門。又次即尖沙嘴一帶。其餘外海內洋相通之處。雖不可勝數。然多係淺水暗礁。祇足以行內地之船。該夷無船不能飛越。所有虎門各礮臺。先已添建增修。與海面所設兩層排鍊。相為表裏。猶恐各臺舊安礮位未盡得力。復設法密購西洋大銅礮。及他夷精製之生鐵大礮。自五千斤至八九千斤不等。務使利於遠攻。現在該處各礮臺。計有大礮三百餘位。其在船在岸兵勇。隨時分撥。共有三千餘名。至澳門地方。自奏委高廉道易中孚與

奏留升任之香山協惠昌耀會同防範。先後派駐兵勇亦有一千三百餘名。又尖沙嘴一帶新建礮臺兩座。業已趕辦完工。並設法購辦大礮五十六位。分別安設。其附近山梁駐兵共有八百餘名。此外各小口及內河水陸要隘亦皆添兵多名。協同防堵。聲勢已皆聯絡。布置並不張皇。現在該夷兵船亦祇飄泊外洋。別無動靜。即使此後漸圖窺伺而處處皆有準備。不致疏虞。此時商旅居民極為安謐。即他國在澳夷人亦皆貿易如常。而臣等密察周防。總不容一刻稍懈。且隨處偵拏接濟。嚴斷漢奸。務令盡絕勾通。俾其坐困。第恐在粵無可乘之隙。該處夷船趁此南風盛

發輒由深水外洋揚帆竄越。臣等現已飛咨閩浙江蘇山東直隸各省。飭屬嚴查海口。協力籌防。以冀仰紓。

宸念。

硃批。隨時加意嚴防。不可稍懈。

癸巳。浙江乍浦副都統長喜奏。竊照喫逆竄入浙洋。歷准浙江撫臣烏爾恭額來咨。該夷致書悖逆。並攻陷定海縣城。直逼鎮海要口。各等情。伏思乍浦濱臨大海。接近外洋。為浙省之門戶。勢與鎮海並重。隨迭經檄飭署乍浦營參將王國渠。整備船械。帶領舟師。在洋嚴密瞭探。一有夷船蹤影。即行飛稟。一面仍行堵逐。並飭傳旗營協領佐領等。

官揀選精壯兵八百名。妥備槍礮器械。分駐西山背礮臺。天后宮二處堵禦。遽於六月二十四日午刻。據防海官兵稟報。見有夷船一隻。在乍浦洋面游奕。李隨即親赴海口。西山背天后宮一帶。率兵堵禦。不意該夷匪竟敢肆其猖獗。直逼天后宮海口。汛。李即令施放槍礮堵逐。乃夷匪毫不畏懼。竟敢抵敵。自未至酉。互相轟擊。滿綠各兵內。被礮擊斃帶傷者十餘名。迨至戌刻。該夷船稍停。轟擊將船畧為駛遠。李仍駐劄西山背礮臺。督飭滿綠官兵堵禦驅逐。諭軍機大臣等。本日據長喜由驛馳奏夷船直逼乍浦海口情形。一摺。覽奏均悉。此次夷船雖祇一隻。難保不陸續而至。現已諭



知奇明保遵派弁兵。星夜策應。仍著該副都統督飭滿洲綠營官兵。在海口悉心防堵。相機籌辦。所有此次傷斃各兵。著即查明具奏。

又

諭本日據長喜馳奏。夷船直逼乍浦海口。該副都統率兵堵禦。互相轟擊。滿洲綠營各兵。傷斃十餘名。逆船畧為駛遠等語。現在夷船雖祇一隻。難保不陸續而至。乍浦兵力單少。亟須撥兵赴援。惟現在杭州省城。不可無大員彈壓。著奇明保遵委將弁。選派兵丁。星夜赴乍浦海口接應。相機堵逐。毋稍延誤。

杭州將軍奇明保副都統恆興奏。竊照喫咭喇夷船。竄入

浙洋撫臣烏爾恭額。於六月初八日。由省馳赴甯波查辦。伏思杭州駐防滿營。雖非水師。不能不豫籌以期有備。隨即會同李恆興。密派滿營精壯官兵五百餘員名。飭令協領等官。備齊軍裝器械。聽候調用。並經李奇明保飛咨乍浦副都統長喜。督率水師參將。暨該處文武地方官。整理船械。加添官兵防守。仍須遠為瞭探。一有夷船到口。務即實力截逐出境。並一面飛報李查奪在案。十一日接准撫臣移知文內。先後接據提臣祝廷彪咨。請以定海洋面大小夷船二十餘隻。並有夷書情詞悖逆。鎮臣張朝發接戰未能取勝。夷匪上岸圍攻縣城等因。十七日又准撫臣移

知定海城已失陷。現在嚴守鎮海口門。提臣業經調撥附近鎮協水師兵各數百名。兵力一經厚集。撫臣提臣等自必會合熱籌。即可痛加勦逐。因思杭州省城東面清泰等門。近臨錢塘江岸。江水南來北流。至銀山門之東北轉而向東。由鳳凰山麓子門下注於海。兩岸漲沙時坍時長。平日止通小船。遇有潮汛微大。船隻亦可乘潮而入。該夷匪既有大小船隻。攻破定海。其麓子門通江水路尤屬緊要。業經等商同藩臬兩司。派出文武要員。往查得水面較窄。槍礮易施之潮神廟地方。及咽喉要路。可以屯兵數百名。公同議定。安設滿兵二百名。綠營兵二百名。專派協佐。

千把等官分撥管帶。應用槍礮一切利器。各令多為妥備。日夜防堵。一面飛札潮神廟以東之海甯州知州。遠為瞭探。得有夷船信息。星夜飛稟。仍加派滿營幹兵一體遠探。以便準備。該州屬境。並有巡道撥添防汛弁兵三百餘名。於鳳凰山暨州城一帶扼要處所。協同本汛防守。等因。仍於城上添設帳房堆撥。派兵巡防。其十城門亦一律增加官兵軍械。均令嚴加稽查。等因。不時督率協領等官分頭查察。仍另撥烏槍前鋒兵三百名。齊集公所聽候。儻有夷船確信。即便帶往潮神廟一帶策應。

奇明保等又奏。再。等伏思該夷匪膽敢竄入浙江洋面。

既在甯波游奕。又到定海攻陷城池。顯有漢奸勾串。是查拏漢奸最關緊要。已經等嚴飭各城門值班官兵。並面囑杭州府知府。多派差役。分頭稽察。遇有形跡可疑。語音各別之人。即行盤獲。撫臣烏爾恭額亦於行次飛札沿海各府州縣一體查拏。一經就獲。研訊得實。即行重治其罪。並可得知賊情。豫為準備。

諭軍機大臣等。奇明保等奏豫籌防堵情形一摺。據奏杭州甌子門為通江水路。尤屬緊要。該將軍等於水面較窄。槍礮易施之潮神廟地方。屯兵防守等語。覽奏已悉。喫夷沿海滋擾。所恃船身堅大。槍礮便利。我兵水戰驟難制勝。不若誘之登陸。可期聚

而殲旃。但非確有成算。斷不可輕舉妄動。著該將軍等悉心商酌。妥密調度。總須計出萬全。謀定後動。一有夷船消息。審機度勢。妥為籌辦。又片奏探查漢奸等語。前已有旨。通諭沿海將軍督撫等。嚴拏究辦。著該將軍等恪遵前旨。密速查拏。本日又據長喜馳奏。夷船直逼乍浦海口。該副都統率兵堵禦。互相轟擊。傷斃兵丁十餘名等語。該處夷船。現在雖祇一隻。難保不陸續而至。乍浦兵力較單。亟須撥兵赴援。該將軍現在省城防守。不可輕動。著即遵委將弁。選派兵丁。星夜赴乍浦海口接應。相機堵逐。毋稍延誤。

甲午。兩廣總督林則徐廣東巡撫怡良奏。噶咭喇來粵兵

船除上年所到之吐噍嘩倫兩船及本年續到哪嚕噠吧吐兩船先經隨時奏報嗣於五月二十三等日又到大小兵船九隻車輪船三隻游奕外洋東停西竄且等示以鎮靜而仍嚴密周防於水陸各要隘加礮添兵處處準備並嚴拏接濟杜絕勾通復將籌辦情形於五月二十五日附片奏

聞在案茲查近日該夷又先後到有大小兵船十隻車輪船二隻仍止散泊外洋別無動靜惟揚言不先尋釁諒欲懈我軍心旋於海灘上插一木牌寫有漢字說帖妄稱內地船隻不准出入粵省門口俟夷國通商再行無阻又稱魚艇

日間出入。不為攔截。各邑鄉里商船。可赴暎國泊船之處。貿易等語。查暎夷中有嗎哩噠。能書漢字。上年一切夷稟。皆出伊手。此次說帖。諒即該夷人所寫。揣其鬼蜮伎倆。一則希圖挾制通商。一則招引奸徒興販。與其所稱不先尋釁之言。又大相刺謬。當經函囑提臣關天培。如果該暎夷膽敢攔阻行舟。即當示以兵威。又查該夷說帖內。有國王命伊前往中國海境。據實奏明之語。而先來之哈吧吐一船。及後到之唏咻嘛等船八隻。車輪船三隻。又據引水稟報。於五月底及六月初間。先後駛出老萬山東向揚帆而去。瞭望無蹤。飭據洋商伍紹榮等。轉呈咪喇堅夷稟。譯出



漢字內稱聽說喚夷兵船係赴浙江江蘇又有人說往天津等情。臣等復查夷情詭譎。凡事矯飾虛張。固難憑準。而現值南風盛發。外洋茫無界限。亦無從遏止前行。如其駛至浙江舟山。或江蘇上海等處。該二省已疊接粵省咨文。自皆有備。不致疏虞。若其徑達天津。求通貿易。諒必以為該國久受。

大皇帝怙冒之恩。不致遽遭屏斥。此次斷其互市。指為臣等私自擅行。儘所陳尚係恭順之詞。可否仰懇

天恩。仍優以懷柔之禮。

敕下直隸督臣。查照嘉慶二十一年間。喚國官囉叫呵嘆吐噫等。

自北遣回成案。將其遞詞人由內河逐站護送至粵。藉可散其牙爪。較易就我範圍。儻所遞之詞有涉臣等之處。惟求

欽派大臣來粵查辦。俾知

天朝法度。一秉大公。益生其敬畏之誠。不敢再有藉口。

諭軍機大臣等。據林則徐等奏。喚夷船隻散泊外洋。於海灘插立木牌。寫有漢字說帖。並查有船隻揚帆東向。傳係駛赴浙江。江蘇及天津等語。該夷現在浙洋滋擾。定海失守。業已調兵勦辦。江蘇等省亦經妥為防範。其天津海口。另有旨諭令琦善相機妥辦矣。粵省海口最關緊要。該夷詭詐百出。尤當加意防範。著

林則徐嚴密周防。於水陸各要隘。處處準備。並嚴拏漢奸。毋使勾通接濟。該督等仍當示以鎮靜。不事張皇。是為至要。

又

諭寄諭直隸總督琦善。本日據林則徐等奏粵海喚夷兵船傳言有往天津之說。如係懇求貿易。懇恩優禮等語。天津通海各口。前據該督具奏嚴密防範。果有夷船駛入。自可有備無虞。惟夷船叵測。詭計多端。僅駛至天津。求通貿易。如果情詞恭順。該督當告以天朝制度。向在廣東互市。天津從無辦過成案。此處不准通夷。斷不能據情轉奏。以杜其覬覦之私。僅有榮驚情形。即統率弁兵。相機勦辦。

杭州將軍奇明保奏。竊照浙江甯波府洋面。既有大小夷船。在彼游奕。定海縣又被夷匪攻破。茅先後接准撫臣烏爾恭額行知。當經商同副都統恆興。選派精壯官兵五百餘員名。整齊軍械。以備調用。並以杭州省城東面。近臨錢塘江岸。其東北之鹽子門海口。有通江水路。夷匪既有大小船隻。難保不乘潮竄入。復經茅就近商同藩臬兩司。於入口要路潮神廟地方。安設滿營官兵二百餘員名。綠營官兵二百餘員名。多備槍礮利器。日夜防堵。仍於城上加添帳房堆撥。各城門一律多派官兵。各帶器械。加意防守。並節次飛咨乍浦副都統長喜。加意捍禦。各情形。曾於六

月十九日。會同副都統恆興合詞奏報。後於六月二十六日子刻。忽接副都統長喜飛咨。望見夷船一隻。在該處洋面游奕。拏飛覆嚴加堵禦。一面派委協領等馳往查看。本日申刻。又接長喜飛報。因令故礮堵逐。乃被夷匪用礮擊傷滿營綠營兵丁。現因乍浦兵力單少。行文拏暨鄰境各督撫。撥兵赴援。業已由驛馳奏等因前來。查拏前同恆興所派官兵五百餘員名。內除屯紮潮神廟官兵二百餘員名。並城內選備策應官兵三百餘員名。城上原設堆撥。加添帳房堆撥。十城門加增值班官兵。及滿城各門看守一切倉庫。共用官兵已不下一千一百餘員名。是內而守城。

外而堵匪。在在均關緊要。今萬不得已。還派官兵二百餘員名。委令協領等管帶。隨同擊前往。會同長壽設法勦辦。擊伏思該夷匪既敢攻陷定海城池。復敢竄入乍浦。用礮攻擊。情堪髮指。現雖賊船僅來一隻。雖保不仍有踵至者。若非厚集官兵。痛加勦除。將何以振

天威而快人心。可否就近調撥閩省水師官兵礮船。以備內外夾攻之處。恭候

聖裁。

諭軍機大臣等。本日奇明保由驛馳奏。乍浦海口有夷匪船隻。現經帶兵馳往查辦。一摺。據稱選派官兵二百餘員名。令協領等

管帶隨同前往乍浦。會同長喜設法勦辦等語。昨已有旨。令該將軍在省城防守。遵委升兵馳赴乍浦海口。接應堵逐。此次防守乍浦。即派恆興帶兵。會同長喜妥辦。該將軍仍遵前旨。一面知會恆興前赴乍浦。一面回至省城。妥為防禦。其所稱就近調撥閩省官兵。以備夾攻之處。前已降旨。諭令福建提督余步雲酌帶升兵。馳赴浙省會剿。並諭令鄧廷楨派兵前往矣。至烏爾恭額。祝廷彪防禦鎮海。自六月十三日發報以後。迄今並未續奏。著奇明保探聽鎮海現在情形。據實由驛馳奏。以慰廑注。

閩浙總督鄧廷楨奏。臣於六月初九日。接據興泉永道劉耀椿稟報。初四日。有夷船一隻。駛至廈門。初五日。開放杉

板口稱求和我兵不令上岸。開槍向擊。夷人即將杉板駛回。聞礮抗拒。該道與水師提鎮趕回廈門等情。臣聞報後。即定於十一日出省。親往督辦。兼程前進。途次先據廈門文武馳報。該夷船於初五日駛近廈港。雖時提鎮道員尚未趕到。經該文武等併力攻拒。夷船即日逃竄。我兵亦有傷亡等語。臣恐該員等諱飾夸張。當飛飭該道劉耀椿確切查明具稟去後。臣一面仍行前進。於十三日行抵興化府。接據劉耀椿稟稱。該道與水師提鎮於初七八等日。先後馳回廈門。查得六月初四日。有暎夷兵船一隻。由清嶼洋關入嶼仔尾海面。經署廈門同知蔡觀龍護水師提標



中軍參將事守備陳勝元同往查看。該船懸挂白旗。並無動靜。該員等一面稟請提督暨該道回廈。一面安設兵勇礮械。豫備攻擊。該管同安縣胡國榮亦聞信趕到。初五日辰刻。夷船開放杉板一隻。內載三十餘人。衝過對岸。船頭一人。口操官音。稱欲求和。語多狂悖。該文武等併力斥阻。不許上岸。該兵船換挂紅旗。聲言開礮。當有署水師中營守備陳光福。施放一箭。射中能作官音夷人。仰跌船內。兵丁連放鳥槍。擊中夷人二名落海。該兵船復放杉板一隻。內載十餘人。前來幫護。直撲礮臺。經護參將陳勝元手執長矛。刺中白夷一人身死。哨船及岸上升兵。槍礮聯絡中。

傷夷人。多寡不能籍記。各該杉板船。始行駛傍大船。轉帆  
竄逸。經兵勇等搶獲夷燈一具。打馬油一桶。油浸麻紙一  
袋。當接仗時。夷船亦礮火不絕。其勢甚猛。自辰至未。相持  
已逾三時。查點弁兵。被礮擊斃九名。受有微傷者十四名。  
礮臺兵房。擊破數處。濱海民房。亦間有震損。此初五日攻  
擊夷船之實在情形也。該道正在查勘間。適據署水師提  
標守備魯思仁。在海面撈獲夷屍一具。當飭同安縣驗得  
該屍白面蠟髮。身穿白小呢單衫。白洋布單褲。左額角咽  
喉右腋肌共有槍子傷六處。俱焦黑深透。該道當飭將屍  
身剉碎。拋擲海中。割取首級。解候親驗等情。並據將夷人

首級解送前來。適臣於十五日馳抵泉州。即經親驗無異。伏思賣煙夷船。多在晉江縣屬之永凝深滬。惠安縣屬之下垵獺窟等洋遊奕。向不前至廈門。此次忽有夷船駛近廈港。蓋因水師提鎮大幫師船。及陸路文武各員。全力注射永凝等處。是以乘機駛往。藉以牽制我師。奸計瞭然。必有狡譎漢奸。為之區畫。至於求和之說。尤屬荒唐。閩洋非夷人通商之區。既無可和。封港乃粵東奉

旨之事。更不許和。乃該夷人夷服華言。船頭鵠立。先之以甘語。繼之以慢詞。非久習夷教之漢奸。即常住中華之番鬼。教猱升木。實為渠魁。茲被署守備陳光福。發矢中傷。洞貫畢命。

實足以彰

國憲而快人心。至海面所獲夷屍。觀其衣著形模。亦係體面  
夷人。經該道當場擣割。懸首礮臺。共見共聞。亦足稍資警  
動。惟念廈門一島。久不言兵。忽有番舶駛來。兼之提督道  
員。俱已因公在外。兩軍驟接。電掣雷轟。一時風鶴之警。情  
狀可想。此又臣痛定思痛。亟應綢繆以弭後患者也。現在  
提督陳階平業已回廈。經臣咨會該提督。將所帶師船。分  
為兩幫。以十隻留守廈門。在於港口堵禦。並經興泉永道  
劉耀椿。飭令廈門同知添雇民船五隻。交營配駕。協力巡  
防。其岸上亦就近檄調同安營參將魏廷寅帶兵二百名。

前赴廈門會同水師弁兵建築礮墩。加意防守。其餘師船十隻。仍交金門鎮總兵賁振彪管帶。駛赴永寧深滬洋面。照舊駐紮。以備攻擊夷艦。查緝漢奸。庶廈門不至空虛。而於查辦鴉片喫緊之時。亦不至為所牽制。臣即暫駐泉州。相度機宜。督飭辦理。至初五日。在事人員。文員則廈門同知蔡觀龍。卸署廈門同知顧教忠。署同安縣知縣胡國榮。石碼巡檢金光耀。武員則護水師提標中營參將海壇鎮標右營守備陳勝元。署水師提標中營守備右營千總陳光福。會督各營備弁林建猷。魯思仁。何有時。閩海關委員興貴等。護臚列以

聞。

硃批。所辦好。

諭內閣。鄧廷楨奏。廈門攻擊夷船一摺。此次喫夷兵船。駛近廈港。稱欲求和。經該文武阻斥。不許上岸。該逆夷膽敢換旗開礮。直撲礮臺。船頭一人。夷服華言。甘語慢詞。經署水師中營守備陳光福。放箭射中。洞胸斃命。兵丁連放鳥槍。擊中夷人二名。落海。護參將陳勝元。執矛刺中白夷一人。身死。哨船及岸上弁兵。槍礮聯絡。中傷夷人甚多。所辦甚好。所有在事出力各員。署廈門同知蔡觀龍。卸署廈門同知顧教忠。署同安縣知縣胡國榮。石潯巡檢金光耀。俱著交部從優議敘。護水師提標中軍參將海。

壇鎮標右營守備陳勝元著以都司儘先升用。先換頂戴。署水師提標中營守備石營千總陳光福著以守備儘先升用。先換頂戴。俱著加恩賞戴花翎。會同攻擊之備弁林建猷。曹思仁。何有時。閩海關委員興貴俱著以應升之缺儘先升用。傷亡兵丁。照例咨部議卹。

乙未。浙江巡撫烏爾恭額。浙江提督祝廷彪奏。竊臣等前因倭逆攻陷定海。直逼鎮海要口。當將力籌堵禦。緣由於六月十三日。會摺馳奏在案。臣等連日籌備。已將沈船口門各事宜次第辦竣。前調各兵約到一半。派在招寶等山。及縣城內外緊要各處。嚴列隊伍。軍容甚壯。倭逆船隻畏。

威退走。潛往象山石浦。以及鎮海內外洋面遊奕。旋生詭計。在洋忽將鄞縣商船扣住。勒令商人投遞其國。偽相書函。欲求轉達廷臣。籲請通商。臣等知其居心叵測。即將原書擲還。加意防範。此近日鎮口情形也。伏思要口既固。必當議戰。然須探其底裏。計出萬全。乃能一鼓勦除。立時克復。臣等素知前升定海鎮丁憂總兵葛雲飛。籍隸山陰。由浙江水師將領。存升在洋最久。無不熟悉。當即專函邀其赴鎮。與議攻守之策。該鎮臣葛雲飛精明曉暢。所論悉合機宜。實可相助為理。一面疊遣兵目。暗赴定海。到處探視。據報。喚逆續添兵船七隻。連前共有三十八隻。其兵計有



七八千人。船在洋面及近城處所。或散或聚。其人或在縣城。或在要隘。羅列嚴位。防備極密。細度情形。逆倭之兵勢已分。我兵亦須水陸夾攻。始能得手。臣等悉心籌畫。倭逆依城為穴。已用重兵把守。我兵由海登陸。攻城殺賊。克復後。即當駐城防堵。作為內應。此一路必得勁兵五千。方敷調遣。又恐在城倭逆。逃走入船。連幫夾突。擾及沿海地方。不可不防。現在最要之鎮口。兵威雖重。其瀕海一帶。以及逼近定海之穿山象山石浦。並近省之乍浦。兵力尚單。必須配兵四千名。添入城汛隘口。嚴行防守。此外海濱各州縣。口岸甚多。應飭令地方文武。選帶兵役。雇募鄉勇。協同

守望統計陸路戰守各兵需用九千。臣等前已奏調提標  
撫標暨各營兵丁共計四千七百名。尚缺四千三百名。即  
在撫標衢州處州鎮標嘉興湖州紹興台州金華嚴州協  
標並溫標鎮海甯海太湖楓嶺各營內隨時調撥酌量分  
派。至於水路尤關緊要。噴逆素習水戰。其船隻礮火迥非  
內地可比。張朝發一戰而北。實由輕敵。此番進攻全仗水  
師衝鋒破陣。寡援必怯。小挫尤撓。斷須力敵勢均。大隊轉  
戰。方使匪膽破落。士氣奮揚。現查提標水師額定無幾。即  
黃巖溫州兩鎮所轄多屬海疆。亦難盡撥。此中精銳約可  
挑選三千。實已無可再調。竊恐衆寡不敵。難以決勝。伏查

各省水師。廣東最強。福建亦勇。且閩屢與倭逆接戰。獲有勝仗。為倭逆所震懾。若得閩廣水軍會剿。既壯我軍。又奪其氣。即可制彼死命。在閩浙連圻。尚屬同舟共濟。是以臣等前次請調閩師。以為策應。惟廣東為中外洋面門戶。又未知近事若何。本非臣等所敢妄參。但輾轉思維。此舉實

關

國家大局。不敢不鄭重詳慎。故不得不冒昧陳請。可否仰懇皇上天恩。飭下兩廣督臣林則徐。閩浙督臣鄧廷楨。各發舟師二千。選派大員統帶。星飛來浙。會同浙省各鎮。併力痛剿。以期蕩平。不勝急切待

命之至。

烏爾恭額又奏。再查勦辦。喫逆所需糧餉軍火。併戰守應用器物。均須豫為籌備。專委幹員經理。方無貽誤。臣察覈情形。設局應分三處。杭州省城及甯波府城。各設軍需局一處。鎮海城內。設立糧臺一處。飭委道府同知縣佐雜等員。分司收支糧餉軍火。及置辦器械各事宜。以專責成。現調衢州府知府湯俊。前赴甯波。辦理局務。所遺府篆。因一時乏員。委署。已飭金衢嚴道德興。暫行兼攝。臣又先後飭司提解藩庫銀十萬五千兩。撥造火藥十萬斤。同槍礮彈子。解局應用。並飭慈谿等縣。碾動倉穀。就近解米五千

石赴鎮以供兵糈。如有不敷。另籌接濟。一面飭司查明現調各官軍。例有應借銀兩。作速按數給發。催令起程。不得延緩。

諭軍機大臣等。烏爾恭額等奏。探明夷船加增情形。並經理軍需。各一摺。覽奏均悉。該撫自六月十三日奏報之後。朕心方深廕念。乃相距已及半月。軍務緊要。不得消息。且此項摺件。仍照常由驛馳遞。實屬不曉事體。糊塗已極。所稱該夷依城為穴。重兵把守。自應俟其勢窮力竭。再出奇兵制勝。切不可輕舉妄動。致有疏虞。惟當相度機宜。分飭本省將弁。各守要隘。毋令竄入。前經飭令余步雲帶兵赴浙。本日復降旨。令鄧廷楨前來勦辦。計

該督等先後可到。該撫等此時惟有嚴密防範。該夷僅有近岸相逼之事。即著併力擊退。不可入洋窮追。誤中詭計。所請檄調閩廣水師著毋庸議。丁憂總兵葛雲飛熟悉洋面情形。即著協同出力。一切軍火器械。迅即飭員趕緊籌備。俟鄧廷楨等到浙後。即須應用。其糧餉火藥最關緊要。必應加意慎重。著即囤積甯波府城。由彼陸續轉運。以資接濟。毋得貽誤。

丙申

諭內閣。烏爾恭額以封疆大吏。遇有暎夷滋擾。事前既無準備。臨事不合機宜。且自該撫奏報後。朕心方深廑注。乃相距已及半月。摺件仍照常由驛馳遞。實屬督率無能。糊塗不曉事體。著即

革職。仍令隨營效力贖罪。浙江巡撫著劉韻珂補授。劉韻珂接奉此旨。即著馳驛迅赴新任。毋庸來京請訓。其未到任以前著鄧廷楨兼署。

閩浙總督鄧廷楨奏。竊臣先於六月十五日。接據詔安營遊擊李飛錦稟稱。五月二十九日。有暎夷火輪船一隻。由南澳外洋駛向東北而去。並鈔錄廣東澳門文武稟稱。內稱五月十七日。據西洋夷目遣番通向該處文武稟稱。暎夷有兵船四十隻。於四月十九日。自新奇坡開行來粵。約一二日可到。大兵頭所駕兵船約遲數日。始為開行等語。臣當以暎夷兵船。如果有四十隻之多。其意甚為桀驁。雖

據稱來至粵東。而現當南風司令之時。竊恐其分赴閩浙。各洋滋擾。且廈門已有夷兵船一隻前來窺伺。是西洋夷目所稟。信而有徵。當即嚴飭閩省各鎮協營。加意防範。並飛咨浙江提標。一體巡防去後。茲於六月二十日辰刻。連接浙江定海鎮總兵張朝發稟報。六月初二日。有喫夷火輪船二隻。大小兵船二十四隻。在於鎮轄之南非山東西柱外洋行駛。經該鎮統帶兵船配足礮火。出洋防堵。初三日。南風盛發。該夷船駕駛如飛。至旗頭洋面。分作兩幫。一幫竄入定港。一幫由貓港橫水洋向西行駛。恐其竄入鎮關。該鎮因定海孤懸海外。恐有疏虞。祇得駛回定港。嚴守。



礮臺港口至西行一幫勢難兼顧就近函商提督派兵防  
範鎮海並請飛調黃巖温州兩鎮督帶兵船飛駛前來會  
同堵逐等情同日並接據浙江提臣祝廷彪函致前來伏  
查定海一鎮孤懸海外距鎮海口門二百餘里此時突有  
兵船駛至自應厚集兵力以資聲援其分去一幫非近赴  
甯波即遠窺乍浦當即飛咨提臣親赴鎮海相機調度一  
面飛調黃巖温州兩鎮統率本轄舟師前赴定海協同張  
朝發防守堵逐伏念倭夷此次越赴浙洋其心尤為叵測  
且來船四十隻除浙洋二十四隻外尚有十餘隻未知下  
落是否停泊粵洋抑係分赴沿海各省應請

旨飭下奉天。直隸。山東。江南。廣東等省督撫一體防範。至閩洋緊要之區。以廈門臺灣為最。而臺灣尤為該夷歆羨之地。不可不大為之防。臣前聞粵中探報。既已飛飭臺灣鎮道及澎湖等協營。准備周防。嚴守口岸。勿使稍有疏虞。其廈門一島。連日會同水陸提臣。並興泉永道。督飭廳營。添備礮火。加意周防。以杜其復來滋擾。

鄧廷楨又奏。查喫夷兵船行駛迅速。此時雖在浙洋遊奕。轉盼即可駛回閩洋。水師提臣陳階平。因左腿跌傷。經臣代為奏請開缺調理。雖尚力疾從公。而精力究難周到。設遇烽火之警。實有叢脞之虞。查江南提督陳化成。久任水

師閩洋尤為熟習。當此夷務喫緊之際。可否額懇

天恩。將陳化成調回閩省。以資熟手。至江南僅吳淞一口。較為扼要。聞蘇松鎮總兵田松林素稱能手。自可照料周到。無慮乏人。

鄧廷楨又奏。再臣查辦海口事宜。需用孔亟。閩省藩庫無款可籌。自二月間到任以來。會同撫臣札飭興泉永道劉耀椿。汀漳龍道李昭美。專辦海口事件。查有泉州庫存備公銀一萬兩。漳州府庫存備公銀五千兩。交與該道等。作為添設防兵。招募水勇。一切口糧賞卹之費。迄今數月。陸續支用。雖多方節省。而支絀時形。現已將次告匱。六月初

四五等日。有喚夷兵船。闖入廈港。經在事文武等攻擊。遠遁。而夷情狡詐。難保不去而復來。茲又有夷船聯踪駛入。浙洋之事。議攻議守。為日方長。所有各項經費。若不寬為籌備。竊慮臨事周章。致滋掣肘。

國家經費有常。又不敢冒昧陳請。可否仰懇

天恩。俯准在於臣等暨閩省司道以下。州縣以上。額支養廉內。賞借銀十萬兩。先由藩庫存貯報撥款內動用。事竣分年扣還歸款。

諭軍機大臣等。前因浙江定海縣被逆夷滋擾。當降旨著余步雲酌帶兵弁。星馳會剿。又著鄧廷楨選派大員。帶領舟師赴浙。以

期一鼓殲擒。該督等接奉後。自己遵旨辦理矣。茲據奏夷船聯  
踪赴浙。並防守廈門臺灣情形一摺。覽奏均悉。現在逆夷占據  
定海。依城固守。烏爾恭額雖調兵防禦。恐不足以勝重任。著鄧  
廷楨接奉此旨。即攜帶印信。馳赴鎮海。籌辦堵剿事宜。浙江巡  
撫印務。即著鄧廷楨兼署。並著該督於到浙後。即行宣旨。將烏  
爾恭額革職。仍令隨營效力贖罪。至閩洋緊要之區。以廈門臺  
灣為最。廈門一島。據奏已會同該提督並興泉永道。督飭廳營  
添備礮火。加意周防。自可無虞疏失。其臺灣府準備事宜。在籍  
前任提督王得祿。最為熟悉。或有應行商酌之處。著即飛檄該  
鎮道。與王得祿同心協力。以資保衛。至另片奏籌備經費銀十

萬雨著准其在藩庫動支將來作正開銷現在江蘇海口緊要  
所請將陳化成調回閩省之處著毋庸議烏爾恭額原奏著鈔  
給閱看